



11. februar 2011

Inatsisartut suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppara:

Naalakkersuisunut apeqqut:

1. **Peqqinnissamaut ikiortit (sundhedshjælper-it, sundhedsmedhjælper-it) tarnimikkut innarluutilinnut katsorsartariaqartunut sullissinissaminnut soqutigisaqartut misilitsittarneri suna imaluunniit suut pissutigalugit danskit oqaasii kisiisa atorlugit ingerlanneqartarpat?**
2. **Peqqinnissamut ikiortit tarnimikkut nappaatillit uninngaffianni (psykiatrisk afd.) sulerusullutik misilitsittuni qanoq amerlatigisut angusinngitsoortarpat?**
3. **Angusinngitsoortartuni qassit qallunaatut amigartumik piginnaasaqarneq pissutigalugu angusinngitsoortarnersut misissorneqarnikuunerluni?**

(Inatsisartuni ilaasrotaq, Karl Lyberth Siumut)

Tunngavilersuut:

Peqqinnissaqarfimmi sulisuniit ilisimatinneqarnera malillugu peqqinnissamut ikiortit tarnimikkut nappaatillit uninngaffianni sulerusullutik misilitsittartut ikittuunngitsut uggornaraluartumik angusinngitsoortarsimapput qallunaatut piginnaasakinneq pissutigalugu.

Peqqinnissaqarfimmi sulisut pikkorissut naammalluartumillu piginnaanillit tarnimikkut nappaatillit uninngaffianni sulinissaminnut soqutiginnittut ajuusaarnarluinnartumik misilitsinnermi angusinngitsoortartut uggornarluinnartutut oqaatigisariaqarpoq piaarnerpaamillu aaqqittariaqarluni. Taamaattumik paaserusunnarpoq misilitsittarnerit pineqartut kalaallisut oqaatsivut atorlugit qaqugu ingerlanneqartalissanersut.